

ANNO DOMINI DCCCLXV.

SANCTUS REMIGIUS

LUGDUNENSIS EPISCOPUS.

NOTITIA HISTORICA IN REMIGIUM.

(Ex Gall. Christ., et Fabric. Bibl. med. et inf. Lat.)

Sanctus Remigius, sacri palatii Lotharii imperatoris summus capellanus, synodo Valentinae III an. 855 præfuit; Tullensi apud Saponarias, an. 859; Lingonensi item adfuit, præsente Carolo Calvo rege, ut est apud Flodoardum ex Hincmaro ep. lib. III Hist., cap. 161. Subscriptit quoque concilio Tullensi II, an. 860; Suescionensi III, an. 866; in qua synodo nomen apposuit, cum aliis episcopis, privilegio monasterii Solemniaceus. Cabilonensi, an. 873, cum Leuboino, chorepiscopo Lugdunensi, interest anno 3 Caroli Calvi in Burgundia regnantis post mortem Lotharii nepotis sui, ut est in chartulario S. Marcelli. At vero in ejusdem imperatoris diplomate commendatur Remigius et sancta Lugdunensis Ecclesia ditissima, rebus late florentissima, ac religione præclarissima. Confirmat autem fundationem abbatis monialium S. Andochii Augustodunensis an. 858, atque ex veteri tabula liquet sub an. 868 congregationem canonicorum in basilica S. Irenæi constituisse et S. Justi sodales in sæcularem ordi-

A nem reduxisse. Recensetur et in notitia monasterii S. Benedicti Saxiaci, tum apud Flodoardum in Historia; Lupum Ferrareensem, epist. 112; Baronium et Raynaudum in Sanctis Lugdunensibus. Cæterum Maldonatus Remigium auctorem Commentariorum in Epistolas Pauli, qui S. Ambrosio tribuuntur, fuisse arbitratur, sed ejusce lucubrationis judicium relinquere alii satius putamus. Hoc eodem tempore scripta est epistola nomine Lugdunensis Ecclesiæ adversus Joannem Scotum, quæ habetur tomo IV Bibliothecæ Patrum. Ad meliorem vitam translatus v Kal. Novemboris jacet in templo sancti Justi.

Exscripsit librum *de tribus epistolis sub nomine Ecclesiæ Lugdunensis; absolutionem questionis de generali per Adam damnatione; item librum alium de tenenda immobiliter Scripturæ sanctæ veritate.* Exstant in auctoribus de Prædestinatione per Gib. Manginum editis, tom. I, part. II. Repetita sunt hæc opera in tom. XV Bibliothecæ Patrum Lugd., p. 666 - 718, ex qua eadem exceptimus.

SANCTI REMIGII,

LUGDUNENSIS EPISCOPI,

SUB NOMINE ECCLESIAE LUGDUNENSIS,

DE TRIBUS EPISTOLIS LIBER.

(Bibl. vet. Patr. sec. ix.)

IN NOMINE DOMINI NOSTRI JESU CHRISTI, incipit libellus De Tribus quibusdam Epistolis venerabilium episcoporum, quid de earum sensu et assertionibus juxta catholice veritatis regulam sentiendum sit.

PRÆFATIO

Quorundam venerabilium virorum, et trium vide-
licet episcoporum ad Ecclesiam nostram, id est,
Lugdunensem, Epistolæ perlatæ sunt; ex quibus
duæ priores simpliciter et sinceriter de quadam pro-
funda et perplexa quæstione, quæ jam per aliquot
annos inter plures multa et varia disceptatione vel
etiam contentione versatur, et de veritate scilicet,
divinæ præscientie et prædestinationis; et quid
ipsis videretur aperuisse et exposuisse videntur;
et quid præfata Ecclesia nostra, Deo inspirante

B atque auxiliante, de eadem re sentiat, ut eis vere et
fideliter respondeatur, attentius flagitare et exigere
noscuntur.

Quorum unus (Hincmarus), qui et in his tribus
primus ponitur, etiam cuiusdam miserabilis mona-
chi, qui inquieta et insolenti præsumptione hujus
quæstionis, vel potius scandali, excitator et exagita-
tor exstitisse dicitur: Qualiter videlicet in duobus
episcoporum conciliis et auditus fuerit, et judicatus
atque damnatus, et diligenter et breviter in epistola
sua exposuit, atque digessit: et singulis ejus propo-